

Voces de Queempostela

Folleto Mensual
de Información

Nº20, Marzo-1997

Editado polo
Colectivo Gai de
Compostela

28-M, Mobiliza-te!

As asociacións homosexuais do Estado Español decidiron convocar mobilizacions unitárias para o dia 28 de marzo para esixir a aprobación dunha lei de parellas aceptábel para gais e lésbicas.

En concreto, as mobilizacions van-se concentrar en Madrid, onde se organizará unha manifestación similar á dos últimos dous anos e unha gran festa. No manifesto, apoiado polo CGC, pídense, por unha banda, a mellora e aprobación do proxecto de lei apresentado por Coalición Canaria e, por outra, rexeita-se o proxecto apresentado polo Partido Popular. A razón do rexeitamento a este último proxecto debe-se a que tenta evadir o problema da desigualdade das parellas homosexuais ao das heterosexuais casadas. As organizacións convocantes esperan superar a cifra de manifestantes de anos anteriores.

28-M en Santiago

Este ano o CGC decidiu non acudir oficialmente a Madrid e sumar-se ás mobilizacions desde Santiago. Esta decisión foi compartida polas asociacións homosexuais galegas máis activas, BOGA e Mil-Homes, e debe-se a que en anos anteriores apenas houbo xente que secunda-se a chamada para ir até Madrid. Por outra banda, o CGC entende que os recente e gravísimos casos de agresions vividos na Galiza precisan dunha resposta na rua e no

próprio país. Deste xeito, o CGC, BOGA e Mil-Homes convocan unha concentración pola lei de parellas e en contra das agresions en Santiago, na Praza do Toural e ás 19:00 do dia 28. Con esta convocatória as asociacións homosexuais galegas non pretenden restar senón sumar esforzos e ánimos aos actos que se han celebrar en Madrid. En calquier caso, as persoas concentradas en Compostela de seguro que han superar o de xente desprazada á capital española en convocatorias anteriores.

Festa en Factoría

A mesma noite do 28-M, as 24:00, as tres organizacións convocantes da concentración, CGC, BOGA e Mil-Homes, organizaran unha gran festa unitaria no pub "Factoría". Como xa é habitual, durante a festa organizaránse xogos, concursos e sorteos.

Por suposto, non han faltar as actuacions das drags Baronessa, Visiosa Aghrú e probabelmente contaráse coa volta aos cenários de Lili Brown. A presentación irá da mao de Hilária a Proscrita e Puritita Casualidá. A festa organiza-se coa amábel colaboración do persoal de "Factoría" e da tenda erótica "Afrodita", sita na rua Diego de Muros. A entrada será, coma sempre, de 300 pesetas e os cartos recadados destinaránse a sufragar novas actividades e campañas das asociacións convocantes.





Manifesto do 28-M

As asociacións convocantes das mobilizacións do 28-M na Galiza redactaron un manifesto conxunto no que se esixe a aprobación dunha lei de parellas na que se equiparen os direitos das parellas homosexuais aos das heterosexuais. Sobre todo, neste manifesto chama-se-lle a atención a toda a sociedade ante os casos de violéncia homofóbica que se seguen a viver na Galiza. As asociacións homosexuais esixen unha actuación máis directa das administracións públicas, especialmente dos corpos de seguridade do Estado. O contido do manifesto e o programa de actos convocados para o 28-M serán difundidos nunha rolda de presenza o dia 27 ás 12:00 h.

De volta á alameda

O pasado dia 12 de marzo o CGC reiniciou o reparto de condóns na alameda e campus sul de Compostela. Foron 15 as persoas que recibiron preservativos e diferentes folletos informativos sobre sexo seguro e as diferentes campañas que ten lanzado o Colectivo. Esta actividade, que se vén desenvolvendo desde hai anos, realiza-se en colaboración co Comité Anti-Sida de Santiago.

Cea lésbica

O BOGA, co gallo das mobilizacións do 28-M, organiza ese mesmo dia unha cea lésbica no restaurante "O Bocalino" ás

22:00 h. As ceas son unha das actividades tradicionais desta asociación lésbica e con elas persegue-se o fomento da visibilidade e da auto-afirmación entre as mulleres homosexuais do noso país. A cea está aberta a todas as mulleres que desexen ir, indiferentemente da sua orientación sexual.

Exito do parladoiro

O CGC cualifica de éxito a organización do parladoiro no "Modus Vivendi" o pasado mes de febreiro sobre as agresións homofóbicas. Máis de 20 persoas acudiron a cita para analizaren os frecuentes ataques físicos e verbais que sufren gais e lésbicas no noso país. O CGC pensa organizar un novo parladoiro no "Modus Vivendi" que tratará o tema da creación de bairros homosexuais.

IIº informe sobre agresións

O CGC está xa a redactar un segundo informe sobre a violéncia homofóbica na Galiza. Hai xa dous anos que a asociación elaborara o primeiro informe, que se enviou a partidos políticos, prensa e ao Valedor do Povo, e que provocara unha pregunta do BNG no parlamento galego sobre a actuación da Xunta ao respecto. Mália o eco social que tivo este primeiro informe, as agresións homofóbicas físicas seguen-se producindo e son de carácter cada vez más grave. Neste novo informe, que se volverá enviar á prensa e aos grupos parlamentares, volven-se analizar as causas e consecuencias da violéncia homofóbica. Tamén se fai un repaso detallado dos casos de agresións rexistrados nestes dous últimos anos polas asociacións homosexuais galegas. Se queres aportar ideas ou a tua propia experiencia, ponte en contacto co CGC.

Xa Sabes....

Escrebe ao apartado 191 /
CP 15780 Compostela
ou por e-mail: gai compos@hotmail.com

ou....

Pasa polo noso local:
Rua Entremuros, nº 16, baixo
luns, mércores e xoves a partir das 20:30